



UNIVERSITÄTS-
BIBLIOTHEK
PADERBORN

Universitätsbibliothek Paderborn

Septem Illustrium Virorum Poemata

Amstelodami, 1672

Faber ferrarius diurnum quaestum scenicis ludis impendens.

urn:nbn:de:hbz:466:1-11215

*Faber ferrarius diurnum quæstum scenicis
ludis impendens.*

POstquam laffavit miseris incude lacertos
Forcipibus versans æra recocta faber,
Scenica ridendi studio spectacula quærit,
Quosque locat populo mimica turba jocos.
Hinc ccena infelix torquentes lumina cepæ:
Sic illi risus vertitur in lacrimas.

*Cum inhabitaret cubicula, quæ sunt
in fornice Vaticano.*

QUas imminentes fornici vides curvo
Ædes inæquali ambitu, sed arcano
Sacras recessu, hortis virentibus lætas,
Miroque hyeme mediâ tepore vernantes,
Me summa Principis benignitas jussit
Incolere; me, qui nuper improbæ nutu
Sortis reductum in angulum relegatus,
Quà bubo, quà diræ striges catervatim
Ferale ab altis carmen integrant nidis,
Longè à sodalium atque solis aspectu
Vitam in tenebris ac timore ducebam.
Succede tectis hospes, & loci felix
Genio fruare, dum recolligis vires,
Quas longa passus mille porticus fregit.
Hic Phidiæ non signa, non Apellæas
Tabulas require: non teguntur aulæis,
Tyrio nec ostro splendidi lares fulgent;
Sed omnium instar vultus est ALEXANDRI.

E 3

AD